

SISWATI LULWIMI LWEKUCALA LWEKWENGETA: LIPHEPHA II
SISWATI FIRST ADDITIONAL LANGUAGE: PAPER II

Sikhatsi: 2½ Emahora

Emamaki: 100

TICONDZISO

1. Leliphepha lemibuto linemakhasi la-4.
 2. Leliphepha lemibuto lehlukaniwe tigaba letimbili, Sigaba A neSigaba B.
 3. Sigaba A sinemamaki la-60, Sigaba B sinemamaki la-40.
 4. Fundzisisa kutsi leso naleso sigaba siphendvulwa kanjani.
 5. Cala leso naleso sigaba ekhasini lelisha.
 6. Bhala linani lemagama lowasebentisile ekugcineni kwaleyo naleyo mphendvulo yakho.
 7. Phendvula yonkhe imibuto ngeSiswati lesemukelekile.
 8. Hlela kahle umsebenti wakho ubuye ubhale ngesandla lesifundzekako.
-

SIGABA A TEMIBHALO**UMDLALO****TENTILE: S.M. Magagula**

Phendvula yonkhe imibuto kulena lemine lebutiwe. Ungakhohlwa kwesekela lokushoko ngaloko lesikutfola emdlalweni.

UMBUTO 1

Fundza lethekesthi bese uphendvula imibuto lelandzelako.

(Kuyevakala kancane lakushoko ngale njengobe balalele bonkhe ngalapha)

Rosemary: *(Anconcotsa angena)* Awu bafowethu! Sanibonani bo!

Mphikeleli: *(Ngekucina, asukumele kwemukela Rosemary)* Etha mntwana. Ngikhona mine, unjani wena "baby"?

Rosemary: *(Angamnaki, abuke Veli lohleti atipholele)* "Ne, kumjojo!" "Bhuti" Veli. Ngilandze wena. Sengivile kutsi ulapha. Kasambe siye ngale lapho sikulungisele khona. "Sorry" Mphikeleli kukwemuka sihlobo sakho. Ngiyabuya nami kuwe, "right".

Mphikeleli: *(Ahleke lunya)* "What?" Sihlobo sami? Ngiyetsemba watiwa nguwe, hhayi mine.

(Asukume Veli, amutsi laphalati ngeliso baphume. Ahlale phansi Mphikeleli achubeke nekubhema ligwayi) (Bonkhe) *(Nababona Veli eta Rosemary)* Etha lapho Veli. Kunjani?

Veli: *(Kuyabonakala uyashisa. Ngekungabanaki)* Ya! Ku "right". Yeyi wena Tentile! Yini vele kantsi lentfo longeta yona? Ngubani le "outy" lelana endlini nhhe?

(Bonkhe) *(Ngaphandle kwaTentile loyobayobako)* Hhayi unganaki wena Veli.

Getrude: Yami le "outy" wena Veli, fane nje kutsi itiphatsa kanjalo nje.

Veli: *(Akakunaki lebakushoko usondzela kuTentile lolibala kudeda.)* Ngibuta kuwe Tentile. Bengisakubuta lena endlini ngaletimphahla, ulibala kungiyenga. Nyalo kufika le "outy" lemenesako. Utsini manje Tentile?

Sarah: *(Ubindzile Tentile.)* Cha, wena Veli. Lalela... *(Atama kumniketa ingilazi yabhiya)* Tsatsa nansi i "tot" Veli bese uyalalela. Yekela lo Tentile. Awuboni yini kutsi u...

Veli: *(Ngekucansuka.)* Kahle wena nabobhiyana bakho. Ngisakhuluma nanangu Tentile longicaphatako. Ngimi kanjani lekaku... ngiyabuta? Kanjani nangabe kunema "outy" lahlala nawe lapha endlini? *(Amusondzelele ngemandla.)*

Tentile: *(Atincengela.)* Kahle Veli ingani ngiyakutjela kutsi lomuntfu akusiye wami, fane nje unemahhunga wenta kungatsi...

[Likhasi: 57–58]

- 1.1 Uvetwe angumuntfu lonjani Tentile kuletheskthi? Nika kubili. (2)
- 1.2 Veli utfukutseliswa yini kangaka ngaTentile kuletheksthi? (2)
- 1.3 Ngekubona kwakho Rosemary wamlandzelani Veli endlini kaTentile? (2)
- 1.4 Ngabe luhlobo luni lweludvweshu lolu loluvetwe kuletheksthi lengenhla? Chaza. (2)
- 1.5 Kungani Mphikeleli abe lapha endlini kaTentile ngalesikhatsi? Nika kutsatfu. (3)
- 1.6 Kufanele yini kutsi Rosemary amsite Tentile kulesimo labhekane naso? Sekela ngemaphuzu lamane. (4)
- [15]**

UMBUTO 2 IPHARAGRAFU

Bhala ipharagrafu uvete kutsi ufundzeni wena ngebungani baRosemary naTentile kulomdlalo. Sebentisa lwati lolutfole kulomdlalo kwesekela imphendvulo yakho.

Iphephakathi yakho ayibe nemagama **langemagama la-120 kuya kula-150**.

[15]

UMBUTO 3 INKHULUMISWANO

Kunenkhumiswano emkhatsini waRosemary naVeli ngesikhatsi bahlangana kuMatsapha, Rosemary ete kutobukela umdlalo webhola yetinyawo. Bhala inkhumiswano yalabadlali lababili usebentise akho emagama.

Imphendvulo yakho ayibe **ngemagama la-80 kuya kula-100**.

[10]

UMBUTO 4 INDZABAMBHALO

Lomdlalo unesetfulo lesishaya emhlohlweni ngoba unato tonkhe timphawu lekumele setfulo sibe nato. Bhala indzabambhalo wesekele lombono uvete lokusihlanu lokutfolakala kulomdlalo waTentile lekubhekeke kutsi kube khona kusetfulo semdlalo.

Imphendvulo yakho ayibe **nemagama la-150 kuya kula-180**.

[20]

60 emamaki

SIGABA B EMATHEKSTHI EMIBHALOMBIKO

Phendvula yomibili lemibuto kulesigaba.

UMBUTO 5 INCWADZI YEMTSETFO YEKUKHONONA

Utsenge timphahla enkapane ni yaka-Shein enyangeni lephelile. Ngenhlanhla lembi letimphahla natifika ukhandze kutsi atikapheleli. Ngakulokunye timbili timphahla atisiwo lombala lebekadze uwu-odile. Bhalela lenkapani incwadzi ukhonone ngalesimo.

Imphendvulo yakho ayibe **ngemagama la-150 kuya kula-200.**

[30]

UMBUTO 6 IPHOSIKHADI

Edzilini lakho lekuhlanganisa iminyaka le-18 bewumeme umngani wakho lenagcinana naye useneminyaka le-12. Ngenca yekuphitsitela awukakhoni kuba nesikhatsi sekubonga kuye. Mbhalele iphosikhadi ubonge kuta kwakhe kanye nesipho lakuphatsela sona kulelidzili.

Imphendvulo yakho ayibe **ngemagama la-80 kuya kula-120.**

[10]

40 emamaki

Samba: 100 emamaki